

GLOSSA

Polka korrupti

DA ROMAN CAVIEZEL*

Nus n'essan tuttina betg en il Balcan! In zic capitalists bain, però buns, u betg? La tradiziun cristian-umanistica obli-ghescha. E corrupziun, na, quai n'hai mai dà tar nus. Da princip. Uschiglio na veggissan ils turists er betg pli tar nus en vacanzas, malgrà Schellenurslis e Heidis. E pir tut quels ritguns cun lur bellas villas a San Murezzan e las impos-tas pauschalas, inimagine-ble! Giessan mettain a Gstaad u en il Vallais.

Ed uss vegn quell'imper-tinentia Weko, tschient pertschient cumprada e manada da tut ils schiglius da l'entir mund, ensemen cun las medias da la Bassa, a tissientar noss paradis. Quantas manzegnas e de-nigraziuns infamas han scurlattà il davos temp nos-sa regiun, la polizia, la politica, la populaziun, gea, mintga singul abitant da l'Engiadina Bassa?! Quai è simplamain in scandal!

Tge? Cartel d'impressa-ris, corrupziun, enri-giment illegal...? Pulentas! Tut inventà, be fantasias da schurnalists malvultens!



schar – e schizunt anc gidar suenter sez! – che l'entira regiun veggia catapultada pli e pli fitg en la merda.

Bun, la grascha è mana-da. Almain per gronda part. Sco um dal dretg e derschader sas ti dentant che l'ultima ancras en noss stadi democratic è anc adi-na la giustizia. E la bavron-da magica: in recurs. Questa giada has ti fatg in cunter l'emettur SRF 1: 18 pa-ginas cun annexas, in'analisa minuziosa da mintga se-quenza da l'emissiun. In pledoyer generus per nus, tut per amur da la vardad e be da la vardad. Genial, mann. Gea, quella gnacca dad ina schurnalista è sezza la culpa sch'ella na lascha betg vegrin a pled tai en ses filmin, gnanc cun ina solia suletta silba! Uss cumenza la trestga, chara dunna, e nus vulain lur guardar tgi ch'è il pli ferm. Las man-zegnas han chommas cur-tas. Ed en il mender cas vegn nossa atgna dretgira a far il rest. Viva Not, viva l'Engiadina!

* Roman Caviezel è anterius scolast gimnasial e dapi l'onn 2014 commen-ber da la giuria dal Premi svizzer da litteratura. El sauta dal rest pli gugent tango che polca.